

أغاني الحب والألم



الكتاب: أغاني الحب والألم

المؤلف: أيمن علاء الدين الشهابي

الغلاف: حسن العربي

تنسيق داخلي: عبدالعليم منا

الطبعة الأولى: ٢٠٢١

رقم الإيداع: ٥٠١٩٢/٢٠٢١

الترقيم الدولي: ٥-٧٤١-٣٨٥٠-٠٨٠١-٤٢٦

المدير العام: مروة المصري

التليفون: 01100528522

لمراسلة الدار: darnebogh@gmail.com

الآراء الواردة في هذا الكتاب تعبر عن وجهة نظر الكاتب ولا

تعبر بالضرورة عن وجهة نظر الدار.

جميع الحقوق محفوظة ©

نبوغ للنشر والتوزيع

أغاني الحب والألم




ديوان

أيمن الشهابي.



دار نبوغ للنشر والتوزيع



المقدمة....

هذا هو عملي الأول في الأشعار العامية المصرية فكثير من الأعمال الشعرية التي كتبتها لم أكن أهتم بتسجيلها بصفة منتظمة؛ ورغم أنني أكتب شعر الفصحى إلا أنه يبقى لشعر العامية المصرية الأثر العظيم في نفوس الأجيال المصرية عبر الأزمان المختلفة وحتى الآن سواء اختلف البعض أو إتفق .

وفي هذا الديوان مجموعة من القصائد المتنوعة في موضوعاتها والتي تميل في بعضها إلى الطابع العاطفي والرومانسي الممزوج بالألم على الأغلب ، لذا أسمت هذه

المجموعة (أغاني الحب والألم) لما تتسم به القصائد من مشاعر وأحاسيس مختلفة.

أتمنى أن ينال هذا الديوان إعجاب القارئ العزيز إن شاء الله، كما أنني أحب أن أهدي هذا الديوان لكل من شجعني أو دفعني للاستمرار في كتابة الشعر.

وإلى أحبائي ... أمي وأبي وإخوتي

وزوجتي الحبيبة سماح

وأبنائي ... علاء و هنا وعلى وعمر

أيمن الدشهابي





الشمس لما غابت

الشمس لما غابت

غاب عنا القمر

والنسمه لما مالت

وقع ورق الشجر

والرياح راجع معاه

أوراق فيها الفراق

هربنا من جدورنا

وقلنا ده قدر

حقيقى كان قدرنا

بس اتخليتى عنا

سبتينا فى السراب

ونسيتى تحمى دارنا

لفينا شمال يمين



والسكه فى السفر

الشمس لما غابت

ضباع منا الأمان

حسينا بالغربه فيكى

والوحده والحرمان

لو كنتى تمدى إيدك

وتديننا الأمل

ما كنا نبيع ديارنا

ونجرى ورا الزمان

لو همسة حب كانت

لتغيرت أحوال

لو ضل شمس نلاقى

لتحققت آمال

والله ما كان بإيدى



أسيبك للهوان

الشمس لما غابت

رجعتك وأنا دمعى

ع السكه يروى أرضى

ويدارى سنين مواجعى

رجعتك وأنا شاب

لكن من غير شباب

رجعتك وأنا ضايع

والشعر لسود شاب

شبابى إنتى اللى بعتى

وقلتي ده قضى



أصعب قرار

أصعب قرار

إنى أبعد عنك

إنى أسيبك

يوم لغيرى يضمك

أصعب قرار

إنى أراجع

شأيل الحلم الجميل

فى ليل طويل

ملهوش نهائيه

إنى أراجع

بألف جرح جديد

ف الخطوه دمع

ف الهوى ماشى وحيد



كان كل همى أديكى

ولجنتى أوديكى

وأخذ من فرحى ليكى

وتعيشى فى الهنا

أسأل عنك عنيكى

تبكى وتقول عليكى

وأنا بعينى رويكى

من حبى كام سنه

أصعب قرار

هاخده وأنا راضى

مش هاقول غلطه ونادم

ولا هالعن ذكرى ماضى

دا الفراق حتمى ولازم

يمكن قلبى خدعنى



يَمَكُنُ لِلحُبِّ بَاعِنِي

لَكِن حَيِّتِكَ إِنِّي

لَوْ كُنْتُ بِتَفْهَمِي

وَبِقَلْبِكَ تَسْمَعِي

وَتَحْسِي بِأَنِّي رُوحٌ

مُحْتَاجُهُ لِحُضْنِ رُوحٍ

أَكِيدُ كُنْتَ تَلَاقِي

وَبِيَايِدِكَ تَنْجِدِي

مِنْ لَحْظَةٍ لِإِخْتِيَارِ

لِأَصْعَبِ قَرَارِ





كنت عصفور

كنت عصفور بيهلل

باطير وباطنطط وبشيل

فوق كتافي الفرحة

وهوى العصفور وميل

أصل الجناح إنصاب

ودا أولك يا عذاب

لفيت وانا منصاب

وما قلت آه عاد

وعافرت جل الزاد

سبقتنى طلقة صياد

وخدت منى الجناح

حتى الأمان اهوراح

وسايب في قلبي الجراح



يَارْتَنِي كُنْتَ هَيْبَت
وَلَا إِنْشِ كَدُهُ تَهْت
دَا السَّمَا بَيْتِي إِلَى عَشْت
فِيهَا وَمِنْهَا كَبِرْت
نَهَشْت فِيهِ الْوَحُوشِ
وَأَنَا عَاجِزٌ إِنِّي أَحُوشِ
قَدْرٌ وَحَقِيقُهُ عَايِشُهُ
وَيَايَا لَحْدَ مَا أَمُوتُ
وَأَفْتَكِرُ لَمَّا زَمَانُ
كُنْتُ عَصْفُورٌ بِيَهْلَلُ
بَطِيرٌ وَبَاطِنُطٌ وَبَشِيرٌ
فَوْقَ كِتَافِي الْفَرَحِ
وَهُوِي الْعَصْفُورِ وَمِيلُ





نسمة الهوى

نسمة الهوى إنجرت

وسط البيوت

لما تفوت

ف الصبح وتشيل السكوت

ولا يوم تغيب

يا قلب أمها المسكينه

تعبت كثير

ويه المشاوير

دوخها ظلم المقادير

دورت على الحبيب

مشيت ومعها الأمل

ساكن جواها

بينور لخطاها



والحزن غير من شفاها

ومين يلاقى غريب

قابلوها شفوها من بعيد

فوق شط الهموم

والسُحب بتحوم

في يوم شتا وغيوم

وشه مريب

خافت من شكل الإعصار

جريت والمطر

قدمها بينتحر

مالقيتش غير ورق شجر

لونه شحيب

وصفت شاب أسمر

الورد الرضيع



في جبينه بديع

و العمر بدونه يضيع

في الزمن العصيب

ماتت وقبل ماتموت

دابت وقبل ماتدوب

إنشق قلبها

وظهرت حبها

ونطقت بعلو حسها

الربيع قريب

الحبيب قريب

الغائب

سافرت الأحلام وهي راجعه

بتريح ليالينا

والغائب أهو راجع يا امه

على كتفه ياسميننا

جاي وجايب فرحة عمرك

على كفه المتحنى

شوفي شبابك جوه شبابه

وف قلبه المتهنى

مرتاح على صدرك وييدف

م البرد المضنى

بالخضن يا غايب عن دارك

أهلنتين مرحب

الشارع والحي مقابلك



بيهنى وبيرحب

و الوحشه جوانا تقولك

إوعاك تتغرب

يا أحلى الأيام يا غايه

أرجعى وناديننا

رجعى للنديا حلاوتك

وتعالى وصحيننا

بس إوعى تنسينا الغايب

لو طالت ليالينا

سافرت الأحلام وهى راجعه

بتريح ليالينا

والغايب أهو راجع يا امه

على كتفه ياسميننا



الورده الحزينه

الورده الحزينه الغايبه

لازم ترجع تانى

الحب الغايب بيعيط

بيقول آه يازمانى

شربت الورده الجميله

من أرض الجروح

بتلم ف دمع الأحزان

من عين المجروح

وبترميها ف درب الحزن

من فوق السطوح

وبترجع بتشوف الفرحة

فى عيون المجروح

يوم ما سألناها عن إسمك





قالت ليه كثير

قالت إسمى جوه قلوبكم

بينور مشاوير

ويه القلب الصافي الطيب

بنحقق أساطير

إسمى الحب ولحظة صدق

بتصحى الضمير

إسألوا عنها قلوب بتحب

في بداية الخريف

هتلاقوا الشتا زى الطيف

وكأن ده يوم صيف

وياها هوانا المدارى

عايم بالمقاديف

هى دى النسمة الرقيقه



في اليوم العصف

فاكراني يا مدينتي

لامتي يامدينتي

هتفضل بعينه

وفيكي حته مني

عايشه هناك وحيد

شوفي الليالي خطفت

من عمري كام سنه

باين في نحت وشي

وفضهرى الى انحنى

وفشعر راسي لما

يقع تقع سنه

شوفي عدت يا مدينتي



من عمرى كام سنه

لامتى يامديتى

هافضل هنا غريب

ف بلاد وخدانى منك

ومن أعلى حبيب

ياريت العمر يطول

وأرجعلك عن قريب

بس إوعى تنسى إنى

ليه فى حضنك حبيب

فاكرانى يامديتى

ولا نسيتى اللى غاب

فاكره اللى لف أرضك

ودق كل باب

أنا فاكرا الشوارع



وشلة الصحاب

وضحكة كل واحد

وفرحة الشباب

فاكرانا يامديتتي

ولا نسييتي اللي فات

لسه النيل جنب منك

فاكر يوم التلات

وتلات شبان بتحلم

تسبق كل الساعات

كان فيهم واد حليوه

بقى فينا ذكريات

على كتفه بتضوى نجمه

لكن تحت التراب

والكتف التاني نسمة



وخده فوق السحاب

يا احمد كان نفسى أشوفك

بس القدر غلاب

آه منك يامدينتى

يا مفرقه الأحباب

خدينى يامدينتى

غاب مال الدنيا الأمان

خايف من نده تيجى

يتغير المكان

أتوه مارجعش تانى

على جناح الزمان

ضمينى يامدينتى

قبل فوات الأوان



حكاية ناقصه نهايه

بين الكتب وسط الاقلام

على الحيطان بين الأنغام

كانت حكاياه وناقصه نهايه

كل كلمه كتبته ليكي

كل يوم بيمر بناديكي

برويكي من قلبي وباديكي

أحلى أيام الحياه

وقلتلك من غير ما اتكلم

قلبي ييجبك ومسلم

بالعيون نور ومشاعر

نحسها وفينا تعلم

والحب شمعته ما تنطفئش

لو تنطفى عمرنا مانعيش



ولا نستحق الحياه

أنا وانت صحيح

عاشقين للتفاريح

وكل يوم بيعدى

بننسى فيه التجريح

والحب بيسامح وما فيش

حاجه حتخلينا نعيش

نبكى على الحياه

والنهايه دى مش بإيدى

لو بإيدى وإنتى تريدى

الحب اللى طارح بنا

يكبر بهواكى تزيدي

نروح نظير مانجيش

وبروح الحب نعيش



وندوق حلاوة الحياه

في القاهرة

في القاهرة أم المدن

جريت أسابق الزمن

وف قلبي حب وشباب

خلتني عايش في الحزن

وبرغم الزحمه والنفير

حسيت بصوت العصافير

بتلى برج من خيال

وقالتى حلمك مش عسير

ووقفت ف إشارة المرور

الخلق بتخطى السطور

وانا كلمه تايه حرفها



ما بين الحلم والشعور
شوارعها قايدة للغريب
والسكة فارشه كل طيب
واتاريني مابقتشى أنا
والدنيا ماتحبش حبيب
في القاهرة سألتني شابه
إيه اللى جابك في المهبه
دا الريح شديده وانت لسه
جاي من بلدكم بالمحبه
سايب عيونها الجميله
ست البنات الكحيله
وبتجرى تلحق شعاع
أوهام حباله طويله
القطر رايح للبدايه

بألف خط وميت حكاية

هيعدى جنبك بعد ساعه

رافع راياته لكل غايه

إرجع وخدها بين إيديك

وضمها بأشواق عينيك

الحلم يرسم حلم تانى

ويتولد صبح يناديك

إتكلّمى

إتكلّمى و ماتسكّيش

ماتضيعيش الحب بنا ماتخفيش

ليه تبعدى بعد اللقاء

وتسيبى جرح ماينتھش

ماتبعيش قلبى اللى عاش

ويه النجوم يحلم بيوم اللقاء
ماتكسريش حبي الى عمره
كل لحظة حب عدت جنبنا
بس لو تفتكرى مره جنبنا
صدقيني الدمعه منك ماتسويش
ماتنكريش حبي الى فاق الملحمه
حبي الى نور كل شمعته في سكتك
ماتدمريش قلمي الى كاتب غنوتك
قلمي الى سنه فقلبي راسم ضحككتك
دلوقتي خُنتى بكره تبكى وتندمى
وتنادى صوتى يردلك ولا تسمعيش
ماتكدبيش وتقولى غابت شمسنا
والحب شمسه عمرها ماتغيب
ماتسلميش لو شفتى ضلي نحيتك



واقتهلى يمكن جروحى تطيب

دنا قلبى لو ييموت قصاڊى

وانتى الدوا ما قبلش اعيش

إتكلمى و ماتسكُتِش

ماتضيعيش الحب بنا ماتخفِش

ليه تبعدى بعد اللقا

وتسيبى جرح ما ينتهيش

حكاية قلم

قالولى مال القلم

قلت القلم حيران

ساكن فى حضن الورق

ما عرفش ليه زعلان

بيغنى ويه الورق



ويدندن الزكريات

ويقول عليه انكتب

أكتب حاجات وحاجات

عاش القلم أو مات

مقطوع من البستان

إديتكوا عمري يابشر

ورميتوا قلبي إنكسر

الكلمه دي كلمتي

مش كلمة الى سطر

وإنتوا قلوبكم حجير

تقسي وتنسى ماكان

قالولي مال القلم

قلت القلم زعلان

قلب القلم مجروح

والجرح فيه نازف

سن القلم مشروخ

وبدمه ييجازف

يمكن ماهوش عارف

معنى الحياه والزمان

قالولى مال القلم

قلت القلم زعلان

ظلمتوا ليه القلم

وكسرتوا حبه الوحيد

آه يادمعة ندم

تصهر قلوب الحديد

تبصوا ليه لبعيد

وتسيبوا روح إنسان

قالولى مال القلم

قلت القلم زعلان

حبر القلم دمي

وقلبي ده حلمي

حتى هوى المحبوب

مكتوب عليه إسمي

وإزاي يروح همي

وانا ماليش عنوان

قالولي مال القلم

قلت القلم زعلان



رحلة الأيام

العمر يجرى ف أنغام

شايلى وياه الأحلام

ولا نعرف إمتى هتنتهى

ويانا يارحلة الأيام

زى القطر مايعدى

وف لحظه بسرعه يهدى

ينزل من حضنه الإنسان

والقطر أهو ماشى يودى

ويمر الليل بعده نهار

عايشين الدنيا فى أخطار

ولا نقدر يوم نبنى أماننا

ولا نقدر نمشى ونختار

نختار نعيش ما نتألم



يختارنا الحزن مانتكلم

ولا نقدر يوم ننسى حياتنا

ولا نقدر نبعد ونسلم

أوهام وعائشه ماينا

وصراع بيكوى في سنينا

ماشين طريق الألام

ومسير معادنا يجيلنا

دا العمر سكه وسلام

في بدايته فرح وكلام

ونهايته لحظة سكون

ووقفه مع الأيام

حبيبتى

ياقلبى ليه المنى
بتبقى حلم غريب
وليه نحب ونشقى
ونعيش من غير حبيب
وندور ونثوه لبعيد
وتموت شمس المغيب
ضمتنى فى حضنها
وخذتنى فى صدرها
وفى لحظة لقيتها غابت
وإشتقت لحضنها
كانت لما باغنى
ودموعها بتملا خدى
وانا ما بين حضنها

أبكي على حزنها
وتلف الدنيا وانتى
ويا زى ما انتى
بشوف فى عينيكى صورتى
واشيل وياكى سيرتى
ولحد ما شمسى تغيب
هاغنيلك يا حبيبتى

كنت باحلم

كنت باحلم يوم أشوفك
واما اشوفك كنت أغنى
واما أغنى لنور عيونك
كنت باحلم تبقى جنبى
واما التقينا الحب نور



نور قلوبنا

دوبنا

وانا وانت يا قلبي نعيش

حكاية حب

يا غنوة قلب

اتنى الى غيرتى حياتى

يا حياتى

يا عمرى الجاى

يا كل حاجه فى دنيتى

فى وحدتى

يا منيتى

احنا شوقنا لبعضنا

لودنا

يضمنا



نبقى روح بتضم روح

روحي انتي

ياحييتي

احساسى بيكى شوق حبيب

مش غريب

لكن قريب

كتنى حلم طال انتظاره

وانهياره

بانكساره

ولما قربت بقلبي

وفتحت الباب

لقيته عذاب

جريت دموعي في عنيا

وبالمنديل



مسحت الويل

ضحك قلبي الحزين

بصوت وأنين

وقال مسكين

قدرك تحب وتعشق

وفي يوم

تلقي الهموم

ليل وضمه وغيوم

وقمر

تحت المطر

يا حبيبتى ضهرى انكسر

بس قايم

ايوه قايم

مش هسلم وابقى هايم





بس عاشق

كنت عاشق

وكنت باحلم يوم اشوفك

واما اشوفك كنت أغنى

واما قلبي جه يغنى

مات وصوته كله حزن

عاشق أحلام

مكتوب عليه أعيش وأحلم

وأعشق وأكون عاشق أحلام

أسهر ما بين دمعى وأتألم

وأخاف أشوف حلمى أوهام

م الصبح للمسا حلمى يتوه

فى الليل بلاقى الحلم حقيقه

يمكن أكون إنسان معتوه
لكن في قلبي أحلام بريئه
شفتك قمر فوق في العالى
زين السما ماقدرش اطوله
أنساكى وإنتى إزاي على بالى
حلم الهوى يصعب وصوله
بطلت أشوفك حلم جميل
فتحت عيني وعشت الجاى
صحتنى كلمة حب ياليل
رجعت أغنى بصوت الناي
طلت عليكى ياضى العين
لقيت معاكى كل اللى فات
قلتلى حبك مالوش حنين
حلّمك معايا بقى ذكريات

ورجعت تانى أجر الألم
وأدور فى دايه من الأوهام
سندباد فى بحور من ندم
واقف على مين الأحلام

حروته

كان فيه بنت وواد فى جنينه
متواعدين ع الحب الصافى
هب الشتا وف ليله حزينه
سرق النور م القلب الدافى
لمحت عينه عيونها وهيه
شافت كل الدنيا الجايه
دنيا جديده وماين ثانيه
سمعوا الحب بينده ندهه

غنى القلب وغنوا معاه
وإتوعدوا على شط هواه
قبل الخوف ما يعدى علينا
بين أمواج البحر الهاديه
ورماله ونسايمة الناديه
ضمننا الشمس المتهاديه
حيننا وحلمنا ببكره
فرحه وضحكه وحب كبير
هب الشتا شايل أعاصير
وخطف من قلبى الياسمين
ومشينا يا قلبى لوحدينا
والدمعه اللى ما بينا حزينه
خطويتها بتنده خطويتنا
لهفتها وشوقها المدايرى



وكسوفها عمري ماهنسأه

فرحة قلبي خدتها الآه

والذكرى بتيجي تصحينأ

كان فيه بنت وواد في جنينه

متواعدين ع الحب الصافي

هب الشتأ وف ليله حزينه

سرق النور م القلب الدافي

هافر ع قوی

هافر ح قوی

أفرح وأنا شأیف

عیون

ضحكتها فوق الشفايف

لآلأ نور



هافرح قوى

لفرحة

أم دمعته

بلهفة

ضم لوليدها

الى فايتها

رجع منصور

وباس الإيد

ودمعته

بقت زغاريد

لضناها الى عاش مقهور

هافرح قوى

لفرحتك يا امه

بكل الحب ع اللمه



وع الأمل الى بات منظور

هافرح قوى

بمدت

إيد لإيد غرقا

تعيد العيد

هنا و سرور

وحضن كبير

يضم الكل

وشجرة فل

تغطى الدور

هافرح قوى

هافرح قوى

لفرحة

بنت بعريسها



لما يبوسها

يديها من نبع

في قلبه

تفتح قلبه

هتلاقى زهور

هافرح قوى

تجليات رمضانیه

قال القمر لينا

والنور بيضوينا

دى أعلى أمانينا

ندعيها في رمضان

أيام بتحينا

وليالى تداوينا



والفجر يستقينا

من شهدها القرآن

يا فرحه نادينا

يا رب تهدينا

ونعيش وتدينا

الرحمه والغفران

يا حمام الحرم المكي

يا حمام الحرم إسقيني

مية زمزم تحيني

عطشان والسكه طويله

ويا بخت اللى هيرويني

يا حمامه خديني وروحي

قلبي بينده على روحي

هيئانه وهيه هناك
بس إوعى بسرى تبوحى
يا حمامه خدينى و طوفى
فى الكعبه هيهرب خوفى
وف مكه ويوم الوقفه
تنزل دمعتى فى كفوفى
يا حمامه خدينى معاكى
مشتاق والشوق وياكى
من مصر لغاية مكه
طول عمره بيستناكى
حولين الكعبة النور
وحمام داير بيدور
وملايكة تطوف بجناحها
لحد البيت المعمور

يا حمامه انا قلبي معاكى

بيطوف البيت وياكى

روحي على جناحك هايمه

ولحب الله ندهاكى

يارب إوعدنى وأزوره

وتتملى عيوني بنوره

وأرجع وأشتاق من تانى

وأفرح لما ألمح نوره

يا حمام الحرم المكى

يا طاييف ليل ونهار

إدعيلي أزور وألبى

وتشوف عيني الأنوار

بحبك

بحبك

ومش قادر أقول

حبك شئ مش معقول

بصى

للضحكه فوق شفايفى

لعنيا يمكن تقول

رودى

الضحكه بضحكه حلوه

وعنيكى بنظره تطول

حبى

هتلاقى معايا الحب

والشوق هيدوب على طول

بحبك



والحب زى حلم
يا ريت أشوفه علم
يا ريت يحسه قلبك
ويعيش سنينه حلم
دا مافيش حاجه أهم
من ورد الحب يلم
ولهيب ننى العيون
فى اللقا عايز يقول
بحبك
بحبك
يا حساسى ومشاعرى
وفيكى كتبت أحلى شعرى
ورسمته فوق ايديكى
يا حبيبتى وفيه مشاعرى



مستنى كلمه حلوه

صداها ف قلبى غنوه

يا روحى وابتسامى

يا دنيتى وإلهامى

دا كل عمري إنتى

يا منيتى وغرامى

أنا شوقى فاق الفضاء

وحبى قطرة ندى

وفى المدى مغزول

بحبك

ومش قادر أقول





كلنا مفارقين

كلنا مفارقين يا حبيبي

والحياه دي لمن

كلنا مسافرين يا حبيبي

شئ في قلبي حزين

نن عيني.. نور حياتي

أبقى جنبك في غيأتي

تسمعي أنغام نياتي

وتناديني بكلمه حلوه

يا حبيبي و ذكرياتي

إكسري خوفك ويالاه

خلي شمس الحب طاله

هاتي كل الحب هاتي

وإروى قلبك بالحنين

عمرى كله كان هنا
حزن متغمس هنا
كان مهاجر حيننا
وأما شافنى الحلم شاب
قال دا هاب منى أنا
ماسك بإيده قبضتى
غارس مخالبه فى بسمتى
خدنى على بحر الضنا
يسقىنى من ملح السنين
أدى النسيم بين العيون
عدى على القلب فى سكون
ربيعه باللمس الحنون
طيب الجرح الأليم
عصفور يرقص ع الغصون

حييتي لازم تعرفي

أنا وأنتي شمعته بتنطفئ

بس آخرتها نكون

مع بعضنا مسافرين

كلنا مفارقين يا حبيبي

والحياه دي لمن

كلنا مسافرين يا حبيبي

شئ في قلبي حزين

إزاي أنسى هواك

إزاي أنسى هواك

يا حبيب قلبي يا غالي

هو إنت حد ينساك

أوينسى سهر الليالي



والشوق وطول البعاد

دى اللفه قسوه وسهاد

ياللى بتسأل وطال

طال بيه وطال المطال

الحب سكة وصال

بأمشيها وأنا وياك

كلمه وربطت قلوبنا

على قد شوقنا تحيينا

نرجع ونعيش نصيينا

يندهنا تانى الفراق

مره وأخرها الوداع

يا بعدا كفايه ضياع

بتتوه فى طول البعاد

يفضل ما بينا المعاد



مكتوب في عمرى الى زاد

لحظة لقا وأشواق

يا حبيب قلبى يا غالى

حب قديم

لسه بتجرى في حلم كبير

ملهوش مفاهيم

وبتتحمل قسوه كتير

من حب قديم

كان هو حياتك والدنيا

من غيره تموت

وانت ولا تفوت

أحلام عمرك

سافرت وسافرنا وياها



من غير مواعيد
من حلم حلم بئتنا
والحلم يزيد
وبترجع والحب في قلبك
مغلول ووحيد
كان هو حياتك والدنيا
من غيره تموت
وانت ولا تفوت
أحلام عمرك
يا قلبي إتواعد وإتهنى
وإنسى الأحلام
حلمك بيكسر في ضلوعك
وانت ولا تنام
حبك بيزغلل في عيونك



وأتاريه أوهام

كان هو حياتك والدنيا

من غيره تموت

وإنت ولا تفوت

أحلام عمرك

وتمر سنينك و سنينك

شيلاك بثبات

أفكارك عمرك أيامك

راحت في شتات

في غروبك وغروب أحلامك

العمر أهو فات

كان هو حياتك والدنيا

من غيره تفوت

وأكيد هتموت



أحلام عمرك

ولسه بتجرى في حلم كبير

ملهوش مفاهيم

وبتتحمل قسوه كثير

من حب قديم

الفراق

الفراق...

يعنى إفتراق

كل قلبين في إشتياق

إجتياح بين العشاق

موج يحطم الأشواق

الفراق...

يعنى إنكسار



صحبته دامت ليل نهار

زيف يؤدى لإحتضار

لانفجار...

لاختيار...

الفراق...

غدر مس

قلب كان عايش بحس

حب ناطق حب بس

همس غادر ماشى عكس

الفراق...

هو الفراق



شيء من بعيد

شيء من بعيد نداها

وقال يا صبيه

إرمي حولك دا أنا

حمال أسيه

لفي شعورك ضفاير

وإصحى الصبحيه

هتلاقى مع الفجر بشاير

بعيون ورديه

هنغنى على ضل التوته

أحلى مواويل

شوفي بهيه فى الحدوته

ودموع الليل

وياسين المسكين حيران



تحت الأناديل

حدوته قالوهلنا زمان

عن حب جميل

إستيننى قريب جاي

علشانك يا صبيه

أنا جاي لك على قد الحال

بحبى وشبابى

هنحارب بحر الأحوال

ومعانا أحبابى

ولو نبقى فى رمال الصحرا

هنخليها روايى

لو هتغيب م الدنيا النسمه

الحب هيرضابى

بس كفايه تحب قلوبنا



أنوار الصبحيه

يا محلا الأيام الجايه

وياكى يا صبيه

شئ من بعيد نداها

وقال يا صبيه

إرمى حولك دا أنا

حمل أسيه

ريّج قلبك

ريّج قلبك يالّه وغنى

خللى الدنيا تغنى معاك

دوق حلاوتها عيش فرحتها

بكره تلاقى حبيب يهواك

إنسى عذابك واللى فى بالك



فكر بس تنام مرتاح
إرجع تانى وحب تلاقى
حب الدنيا الصافي مباح
هم الدنيا إرميه وتعالى
عايز أشوفك كده فرحان
إضحك ضحك قلبي وغنى
بكفايه دمع وكوم أحزان
ياللى برائتك راسمه فى وشك
كل آيات تشهد بالحب
ورده جميله جوه جنينه
حب القلب يدوم فى القلب
بيع من باعك وإشترى حبك
حب يعيش على طول العمر
إفتح باب ووراه أبواب



وإدخل خللي الفرحة تمر

دندن غنى وقول يالالالى

رب تعالى الحب ما بينا

أنا وجيبي بقينا يا قلبي

روح بتفوح عمرها ماتسينا

ريح قلبك يالله وغنى

خللي الدنيا تغنى معاك

دوق حلاوتها عيش فرحتها

بقى وياك الى بيهواك



آه م الحب

آه م الحب اللي ناداني

وعلى بحر عيونك وداني

وسقاني م الحب غناوى

رجعلى حبك من تانى

يا سفينه رجعت للمينا

الفرحه جايه ف خطونا

والحب جمع أمانينا

والقلب بقى منك داني

البسمه فى شفايفك قالت

والفرحه لعيونك زادت

القمره فى جبينك عادت

والقرب منك غواني

يا نبض عايش إحساسى



يادنيتي وأهلي وناسي

بابعت ورودي ومش ناسي

الحب يا أحلى أمانى

يا حبيبه سكنت فى هوايا

حبك معلم جوايا

ياغاليه طول ما إنتى معايا

هنلف بالحب موانى

يا أم العيون الحلوه السود

هستنى لليوم الموعود

أحلف بعمرى المسعود

حبك بيجرى فى شريانى





كنت فاكراً

كنت فاكراً

إن عمر الحب

ما يطوله الأنين

كنت فاكراً

إن صوت الحب

أقوى م السنين

كنت فاكراً

أيوه فاكراً

فاكر الضحكه الى كانت

جوه العيون بتترسم

وبين شفايف كل واحد

فيينا كانت تتقسم

وتبتسم ليينا السنين



وتعدى أيام الحنين

ويتوه شعاع الحب بينا

ويختفى بين دمعتين

كنت فاكر

أيوه فاكر





في مترو مصر الجديدة

في مترو مصر الجديدة

والناس نعسانين

والفجر لسه مشقشق

وهمه مرواحين

ولمحت بعيني شنطه

وبنوته ع المحطه

سألتنى وهيه حطه

الشنطه جنبها

تاھت وإزاي هتوصل

لعنوان ستها

دلتهـا على العنوان

ووصفتلها المكان

مشيت و يارتها مامشيت



وياريتنى ماسبتها
المترو خطفها فى حضنه
وأنا واقف جنبها
وحسيت بالنشوه
وى النور والزحام
وتهت وتاهت عنه
فى وسط الزحام
والدنيا عدت
واليوم خلص
وف مترو مصر الجديدة
والناس نعسانين
والفجر لسه مشقشق
وهمه مرواحين
وأنا واقف مستنى



حاجه ضاعت منى

وكأنه زى الحلم

وف لحظه لقيته حقيقه

امبارح فى نفس الدقيقه

دى شنطتها جنبها

سألتها وقالتلى .. تهت

شوفتك وكأنى ماتت

وخطفنا المترو فى حضنه

ونسينا الشنطه جنبه

علشان نرجعها

فى مترو مصر الجديدة



كنا وكانوا

كنا وكانوا

كنا وكانوا

كنا حبايب

كانوا صحايب

كنا الفرحة في كل مكان

كانوا الدمعه مع الأحزان

كانوا عيوننا وجوه عيوننا

سكت الحب في لحظه وبانوا

كنا وكانوا.... كنا وكانوا

كنا زمان نرسم إنسان

يرسموا شجره ونهر حنان

نرسم واحه وفيها نخيل

يرسموا قمره في عز الليل



نبني يعلوا .. نهدي يعدوا

كنا القلب وكانوا العين

شوق ورا شوق وسنين دايين

أيام تجري وعمر يفوت

كنا وكانوا ياريتهم كانوا

سابوا القلب يعيش في مكانه

كنا وكانوا .. كنا وكانوا

يا شهرزاد

يا شهرزاد فات المعاد

الفجر نور والصبح قاد

وشهريار شاف النهار

وحبك إنتي يا شهرزاد

دا إنتي الملاك اللي ف قلبه

وإنتى الحياه اللى ف نبضه

خليه ينام على نار حبه

ويعرف إن الهوى بالكاد

حكاويكى سحرت أيامه

واتمكنت من أحلامه

وإزاي يشوفك قدامه

ولا ينكويش بلهيب منقاد

يا شهرزاد فات المعاد

الفجر نور والصبح قاد

خليتى قلبه يبات مغلوب

يدوب على الأشواق ويدوب

ويقول هاعيش للحب وأتوب

وأشوف سعادتى اليوم بمعاد

دا الحب عفريت شد البال

والقلب طب ف سحر خيال

وشهريار لو صال أو جال

يرجع وقلبه بحبك زاد

يا شهرزاد فات المعاد

الفجر نور والصبح قاد

وشهريار شاف النهار

وحبك إنتى يا شهرزاد



جدو حبيبي

جدو حبيبي يا أطيّب جد

زى الميه الصافيه تود

تمد قلوبنا بكلمة ود

يانبع الود يا أطيّب جد

جدو حبيبي بدا المشوار

نما وكبر فى الأزهار

والأزهار طرحت أزهار

تكبر على إيد أطيّب جد

جدو حبيبي ياستر قلوبنا

فى عبايتك بندارى خوفنا

وبقلبك بتداوى جروحنا

لما الدنيا علينا تسد

جدو حبيبي يا غالى عليه



لسه ربيع الدنيا الجايه

في ايديه الأحلام ورديه

بس العتمه جناح بيصد

جدو حبيبي شوف أزهارك

تاھت بينا وباعت دارك

شايف لسه الفرحة ستارك

بس الحزن شديد ويهد

جدو حبيبي عدو سنين

بين الدمعه وشوق وحنين

جوه القلب مكانك فين

وأنت والود يا أطيّب جد



سَامِحِينِي

إتسرعت في حكمي عليكِ

أنا غلطان سَامِحِينِي

إتبددت أنا لما عنيكي

سابتني في نار تكويني

أيامي تشرق وتغرب

والشوق جوايا بيتغرب

والنور اللي بيسكن قلبي

مالحزن مع اللوعه بيهرب

لفيت الدنيا اللي شقاها

بيمرر حلقي على هواها

بدوها والجرح في قلبك

بيزود في عذاب لياليكي

إتسرعت في حكمي عليكِ



أنا غلطان سامحيني

إتبددت أنا لما عنيكى

سابتنى فى نار تكوينى

لازم أفكر قبل ما قرر

واتندم وأتوه وأتخير

والله يا حبيبة عمرى

أنا لازم أتغير

وأتحرق من كل قيودى

، احافظ على كل وعودى

ده أنتى حياتى وسر وجودى

سامحيني ومديلي إيديكى

إتسرعت فى حكمى عليكى

أنا غلطان سامحيني



إبتدأت أنا لما عنيكى

سابتنى فى نار تكوينى

فى السما

فى السما صورتك بتبكي وحدها

لما الغيوم يملأ العيون بحزنها

ومن عينيكي كل حبات المطر

تنزل على قلبى الى مالفرقه إنكسر

لحظة فرح

رجع الربيع يفتح لنا

أبواب كثير ملهاش عدد

قلبي إنشرح

لما إلتقيت حبي أنا

من تانى راجع يتولد



وفي السما صورتك معايا بتبتسم
والشمس بتغطى النهار بعد العدم
ومن عنيكى الحب ينده للى غاب
يجرى يسابق فرحته يطوى العذاب
لحظة فرح

رجع الربيع يفتح لنا
أبواب كتير ملهأش عدد
قلبي إنشرح

لما إلتقيت حبي أنا
من تانى راجع يتولد
ياللى فى عنيكى الدموع صرخت بآه
لازم يعود قلبي اللى حبك للحياه
وفي السما جات نجمتين والليل ظهر
يزفوا قلب بفرحتين على القمر



لحظة فرح

رجع الربيع يفتح لنا

أبواب كثير ملهش عدد

قلبي إنشرح

لما إلتقيت حبي أنا

من تاني راجع يتولد

ضميني في حضنك

ضميني في حضنك وإرويني

من نبع عنيكي

دا أنا قلبي اللى ماحبش غيرك

بينادي عليكي

دا لف بحور الدنيا ودار

شاف وإتبدد في المشوار



ورجع بعد ما عدى سنين

يسكن قلبك ليل ونهار

آه يا حبيبة عمرى أبداً

مش هاتغير خالص

مها الأيام تاخذ منى

قلبي لقلبك خالص

أول حب وآخر حب

لضى الشمس هدانى

إوعى القلب فى يوم يتحول

وتتوهى فى عنوانى

زى مانفرح يوم نتألم

والأوجاع حوالينا

ايوه هنضحك لو هنعيط

والأحزان فى عنينا



شوفي إزاي الدنيا بتلعب

بقلوب كل الناس

بس أنا قلبي لوحده بيعشق

ويدوب في الأخلص

دا لف بحور الدنيا ودار

شاف وإتبدد في المشوار

ورجع بعد ما عدى سنين

يسكن قلبك ليل ونهار





الدم العربي

(عن الحلم العربي لتحرير القدس)

الدم العربي يصرخ

وبينده كل إخوانه

الدم العربي يبكي

وبنكي معها حياته

بينادي الدنيا بحالها

والدنيا دي ولا على بالها

تصریح والتانى يهد

والظالم ولا يتهد

حرقوا القرآن والمسجد

هدموا فى كنيسة المهد

الطفل فى ليلة بدر

كان وشه بلون البدر



لأقف مندِيل حوَالِيهِ

قَايِد قَنْدِيل فِي إِيْدِيهِ

وَبِرْسَمِ فِي الْكَرَاسِ

وَرْدِهِ وَعَصْفُورٍ وَخِلَاصِ

وَيَسِيلُ الدَّمُ يَسِيلُ

وَيَلْطُخُ فِي الْمَنْدِيلِ

وَيَمُوتُ قَلْبُ الْعَصْفُورِ

مَنْ بَعْدَ لَيَالِي الْحَصْرِ

الْقَلْبُ الْعَرَبِيُّ الْمَدْبُوحِ

وَاقِفٌ عَلَى بَابِ الْقُدْسِ

زَارِعٌ رَجْلِيهِ كُلَّهُ جُرُوحِ

فِي تَرَاهَا وَلَا يَعْرِفُ بَسِ

غَيْرَ أَرْضِهِ وَعَرْضِهِ وَوِلَادِهِ

وَالنَّبْضُ إِلَيَّ فِي قَلْبِهِ وَهَمْسُ

في ودانه يردد دايماً

دمى وحياتي فدا القدس

أنا صامد مش هتغير

مهما حاولتوا التهديد

وضنايا اللي قتلته

على كتفى في يوم العيد

شيلته ودفنته في قلبي

وبكيت م الفرحة شهيد

بكره الثاني راح يكبر

والتالت جاى اكيد

وهينده كل إخواته

للقدس في يوم العيد

خالد وعمر وعُبيده

وبلال وصلاح الدين



هياأدن فوق المدنه

وهينده ناس ملايين

الدم العربى هيصرخ

ويبدد ظلم سنين





في كل لحظه

في كل لحظه حبيبي

بتنده عليه

قلبي يطير لحبيبي

تشوفك عنيه

تكوي نار الفرقه

الشوق الى فيه

ألقى فرحك وانت

عاش لي به

أضمك وتمسح

دموعك إيديه

يا عيون الحبايب

يا وعد السنين

مسيره الى غايب





يرده الحنين

في كل لحظه حبيبي

أفكر ثواني

طول البعاد ييزود

عذابي وهواني

أستنى لحظه تجيني

تطل الأمانى

أدعى لرب الكون

بكل المعانى

تنده ساعتها أجيلك

وما أرجعش تانى

يا عيون الحبايب

يا وعد السنين

مسيره الى غايب





يا ملاك الموت تمهل

يا ملاك الموت تمهل

لسه صوت الحب أجمل

لسه نبع العمر صافي

لسه صوت الخير بيوصل

يا ملاك الموت تمهل

نفسى تتحقق غياتى

نفسى أفرح فى حياتى

نفسى ألمح أمنيأتى

ضحكه نورها جايه أكمل

روحى عاشقه وقلبى بارق

وفنعيم الدنيا مارق





وفسلامها باقى غارق

لما يحى الشوق ويسأل

ياملاك الموت تمهل

ندهة عينيكي من بعيد

تبعث رسائل يوم جديد

ياللى قلبك جاى يعيد

حب عايش على الأمل

حب متأخر سنين

جاى لأخر العاشقين

قبل مايموت الحنين

والأمان يمشى ويرحل

لسه باقى قد إيه

جاى رايع فين وليه

بانت الدمعه فى عنيه



لما عال أبواب تسلل

ياملاك الموت تمهل

فرصه تانيه بعمر تاني

فيها حلم يفوت ثواني

نظره واحده لقيته جاني

قاللي حان الوقت عجل

حب ولي وعمر ضاع

سبت حد إثنين وباع

شوفت حالم قال وداع

شوفت عابر ما تحمل

سبينى وإبعد لسه قدرى

عينى تصحى وصوتى يجرى

لسه نور الفجر بدرى

عمر نبت الخير ماير حل

ياملاك الموت تمهل

مُرجِحه

مرجحنا ومرجح مرجحنا

خليها تفوت وتريحنا

ماهى دنيا ولازم تجرحنا

وتمرجحنا... وتجرحنا

مُرجِحه الدنيا يا أستاذ

والعصر دانت وهزاز

وانت من عصر التلفاز

واقف بتعاند أيامنا

مرجِحه الدنيا يابهوات

ميت فل عليكوا يا قفوات

تسر قوا أحلام الألفات

وتدوسوا وتمشوا في مجاريحنا

مُرجيحه الدنيا يا باشاوات

زينا زيكوا في عرفات

بنصلي وندعى الدعوات

وبترجعوا تنهبوا خيراتنا

مُرجيحه الدنيا يا مولانا

الدين مش ماشى على هوانا

الدين دا راسخ جوانا

ولا يتبددش ولا بموتنا

لِسَانَا يَا أُمّه بِنْتَهجِي

في حروف الدنيا ونترجي

بنى آدم بيموت في الفكّه

عايز يتحكم في قواتنا

وإحنا اللي وقفنا لأيامنا

ورمينا عشانك أحلامنا
وحلفنا نرجع أفرحنا
دوبنا وفي الحزن إتمر جحنا
الظلمه قتلونا وفضلوا
بالغدر عليكى بيتفاضلوا
وإحنا الى وقفنا وعدينا
وياكى الصعب وخطينا
إحنا الى وقفنا لأعادينا
ورفعنا جبينك بإيدينا
ضربتنا الدنيا برجليها
دوبنا وفي الحزن إتمر جحنا
وإتجر حنا... ولا إرتاحنا

عقود الورد

عقود الورد في عنيتها

بتطرح كل يوم ملايين

يقطفها الحزين يفرح

ويصبح فيها مالعاشقين

وأنا قلبي بيعشق فرحة الياسمين

لما يهفهفها النسيم نوبتين

وتتمايل على غصونها عيون الحور

دى بنت من البنات هى في إيدها النور

جاتنى وأنا في طريقي متغرب

وبتقرب

في كل خطوه الحب يخطفنى

وبأستغرب

شعاع مالمسحر في عنيتها



وبحر غرام
ده زى الحلم على بالى
و مافى كلام
ده هو الورد فى عنيتها
عقود ياسمين
وهو الورد فى جبينها
بينده مين
بتندهلى
أكيد وعليه بتشاور
وفيه نظرات
ماين العين بتتحاور
لو أوصف كل مافيهها
ماهوفيهها
أنا جيتيها بكيانى





وفي عنيه هداريها
عقود الورد في عنيها
بتطرح كل يوم ملايين
يقطفها الحزين يفرح
ويصبح فيها مالعاشقين

ياورده قلبها بيغنى

ياورده قلبها بيغنى
والغنوه جبال تهنى
قلبي عليكى
يانور عينيكي
ضحكتلى تانى الدنيا
وقالتلى روح
خد منى أحلى ورده



عطرها ينفوح
خدها في حضنك وطير
وإياك تبعد كثير
لتأخذكوا الدومات
في بحور ملهاش كبير
أدى النصيب وياك
والفرح مستنى
وسط الفرح أحباب
بتهنى بقلوبها
وناس كثير وشباب
جاين بترحابها
وصوت غريب كداب
نفسه يدمعها
وف وسط الزحمة مالت



واحدہ وبغنیہا قالت

الوردہ بین یدیک

تخطہا فی عنیک

قلتہا دی ہی قلبی

وحیاتى وكل حبی

لیہا الروح والمكان

موجود فی قلب الننى

ولہتر جمع مصر

بأكتب كلمة حب جميله

بأعزف لحن لغنوه طويله

غنوة هجر وجرح وكسر

ماضى وحاضر فيه الحصر

زى هلال العيد والنصر

مستنيكى تطلّى عليه

وتضمينى فى حضن الصبر

قبل الصبر ما يخطف عمرى

ترجع تانى الفرحه لمصر

وهترجع مصر بإذن الله

وف توب النصر إن شاء الله

وفى يوم العيد

هتلف شهيد

راجع من سينا

على باب النصر

وهترجع مصر

إن شاء الله



ياريتها ما فتكرنى

وعينها جت فى عينيا

وبتشاور عليه

ياريتها ما فتكرنى

ولا تنده عليه

ياريتها ما تختبرنى

ولا تنده عليه

واحنا فى وسط الدروب

ماشيين ساعة الغروب

والقلب يدق دقه

ويتوه بين الذنوب

ياريتها ما فتكرنى

ولا تنده عليه

وأنا الى غدرت بيها



أنا الى قسيت عليها

ضيعت حب غالى

كان عايش يحكى بيها

ياريتها ما تفتكرنى

ولا تنده عليه

ده خيالها بيعاتبنى

وعيونها بتحاسبنى

من اول يوم فى عمر

الحب الى غلبنى

ياريتها ما تفتكرنى

ولا تنده عليه

ياريتك يازمانى

ترجع وتعودلى تانى

والقمره الى فى جبينها



تبعث نورها لمكاني

ياريتها ما تفتكرني

ولا تنده عليه

والفرحة اللي في عينيها

حاضن ايده في ايديها

يستاهل حبك غالى

ضيعته و جيت عليها

ياريتها ما تفتكرني

ولا تنده عليه

ياريتها تنسى انى

كنت اسير التمنى

وتنادى بين الناس

بالصفح و تسامحنى

ياريتها ما تفتكرني

ولا تنده عليه

ده الوهم اللى عنيه

جى بيشاور عليه

ويقول حفتكرنى

ولا نسيت الاسيه

ياريتها ما تفتكرنى

ولا تنده عليه



خبي دموعك

خبي دموعك خبي الآمك

ماتينش

طول مالحب في قلبك صافى

ماتتغيرش

طول مالإيد ممدوده لإيدك

ماتودعش

مهما عيون الضلمه تهدك

ماتفكرش

بكره لىالى الحب تردك

ولا تسألش

نور الفجر بيطلع بدرى

مايتأخرش

صوت الحب أكيد هيغنى



ولايرحلش

خبي دموعك تنزل فجأه

كما الأمطار

خبي ألامك وارمي حولك

ع الستار

عمرك كله جرحه وفرحه

مع الأقدار

طاير حابر بجناح وردى

ليل ونهار

حلمك برده مسيره يفتح

للأنوار

سافر وإبعد عن أوجاعك

بالمشوار

زهرة حبك لو نها يفتح





جنه ونار

خبي دموعك خبي ألامك

ماتبينش

طول ما الحب في قلبك صافي

ماتتغيرش



نبذة عن الشاعر

أيمن علاء الدين الشهابي

مواليد الغربية - مدينة زفتى فى ١ / ٧ / ١٩٧٤

حاصل على بكالوريوس تجارة وماجستير فى ادارة الاعمال

المهنة - مدير إدارة بأحد البنوك المصرية

صدر للشاعر..

ديوان / أجنحة لها قلب الشعر الفصيح

تليفون / ٠١٢٠٠٨١١٧٥٣



جدول المحتويات

١	المقدمة.....
٣	الشمس لما غابت.....
٦	أصعب قرار.....
٩	كنت عصفور.....
١١	نسمة الهوى.....
١٤	الغائب.....
١٦	الورده الحزينه.....
١٨	فاكرانى يا مدينتى.....
٢٢	حكاية ناقصه نهايه.....
٢٤	فى القاهرة.....
٢٦	إتكلمى.....
٢٨	حكاية قلم.....
٣٢	رحلة الأيام.....
٣٤	حبيبتي.....
٣٥	كنت باحلم.....
٣٩	عاشق أحلام.....
٤١	حدوته.....
٤٣	هافرح قوى.....
٤٦	تجليات رمضانیه.....
٤٧	ياحمام الحرم المكى.....
٥٠	بحبك.....
٥٣	كلنا مفارقين.....
٥٥	إزای أنسى هوأك.....
٥٧	حب قديم.....



٦٠	الفراق.....
٦٢	شئ من بعيد.....
٦٤	ريح قلبك.....
٦٧	آه م الحب.....
٦٩	كنت فاكراً.....
٧١	في مترو مصر الجديدة.....
٧٤	كنا وكانوا.....
٧٥	ياشهرزاد.....
٧٨	جدو حبيبي.....
٨٠	سامحيني.....
٨٢	في السما.....
٨٤	ضميني في حضنك.....
٨٧	الدم العربي.....
٨٧	(عن الحلم العربي لتحرير القدس).....
٩١	في كل لحظه.....
٩٣	يا ملاك الموت تمهل.....
٩٦	مُرجحه.....
٩٩	عقود الورد.....
١٠١	يا ورده قلبها بيغنى.....
١٠٣	وهترجع مصر.....
١٠٥	ياريتها ماتتفكرنى.....
١٠٩	خبي دموعك.....
١١٢	نبذة عن الشاعر.....
١١٢	صدر للشاعر.....

